

咸豐六年五月十二日

奏

87



奏為恭謝

天恩事四月二十五日

殿試榜發臣子同蘇列第一甲第一名

賜進士及第

授職翰林院修撰竊臣夙承

知遇疊被

生成官箴每慄夫鵜梁家訓尤慙夫燕翼臣子同蘇

識拘闕豹質陋驂駒曾紬

東觀之書幸廁南宮之選際

彤廷之對策近

光而敬效芻蕘聆

丹陛之

宣綸習禮而叨陪班列迺蒙特邀

欽矚仰荷

天題俾首冠於魏科備簪毫於詞館身到深嚴之地

十萬言獲誦琳琅材歸

教養之中二百人同霑

雨露榮極而撫衷滋懼感深而循分增慙臣惟有勛
以讀書教之植品勉為忠孝思報

國非僅在文章共礪廉隅知立志原不求溫飽端
步趨於始進庶無負

盛時遭遇之隆矢拜獻之初心冀稍酬

大造栽培之篤茲臣由差次回京所有感激下忱理

合繕摺具

奏謹率臣子同齎泥首

宮門叩謝

天恩伏乞

皇上聖鑒謹

奏

咸豐六年五月

十二

日



